



SIPA zaustavila nesvakidašnji transport narkotika u Zenicu

DROGA IM STIZALA redovnom poštom u kovertama!



TEŠKO OTKRITI KO STOJI IZA SAJTOVA

Prema informacijama objavljenim na internetu, na "Dark Webu" može da se kupi gotovo sve - od heroina do ljudskog srca

Dragan SLADOJEVIĆ
dragans@nezavisne.com

ZENICA - Policajci Državne agencije za istrage i zaštitu (SIPA) uhapsili su juče na području Zenice dva lica osumnjičena da su u kovertama dobijala drogu iz Holandije.

Stoga je i akcija u kojoj su pali nazvana "Koverta", jer uhapšene terete da su duže vrijeme, putem "Dark Weba", a koji na internetu i služi za promociju ili distribuciju ilegalnih aktivnosti odnosno sadržaja, naručivali pošiljke amfetamina.

"Droga je skrivana u koverte i putem redovne pošte dostavljana je u BiH", potvrđeno je "Nezavisnim" iz SIPA. Uporedo s hapšenjem, pretreseni su i objekti na tri lokacije na području Zenice.

"Dosađ je otkrivena i privremeno oduzeta određena količina materije koja asocira na amfetamin, spid i ekstazi. Oduzeti su i digitalna vaga, mobilni telefoni i drugi predmeti koji mogu poslužiti kao dokaz u daljem postupku", saopšteno je iz SIPA.

Ova nesvakidašnja zapljena rezultat je akcije koja je izvedena po naredbama Suda BiH i Tužilaštva BiH, a izveli su je policajci SIPA, uz podršku kolega iz MUP-a ZDK.

"Uhapšeni će biti privedeni u prostorije SIPA radi kriminalističke obrade, nakon čega će uz izvještaj biti predati nadležnom tužilaštvu na dalje postupanje", rekli su iz SIPA.

Prema informacijama objavljenim na internetu, na "Dark Webu", tamnom kutku internet

može da se kupi gotovo sve - od heroina do ljudskog srca. Tu, kako se navodi, postoji i tržište zabranjenih knjiga i članaka.

Na određenim sajtovima može da se napiše i spisak želja, a ono što se na tom spisku navede, neko će ukrasi i prodati mu upola cijene.

Sajtove na "Dark Webu", navodi se, može da posjeti bilo ko, ali je jako teško otkriti ko stoji iza njih.

Djelimično slična akcija, nazvana "Kriptus", izvedena je i u februaru prošle godine, kada

PRETRESANI OBJEKTI NA TRI LOKACIJE NA PODRUČJU ZENICE

su na području Živinica uhapšena dva muškarca zbog sumnje da su učestvovali u radu ilegalnog internet-servisa, koji je korišten za kriminal.

U akciji su učestvovala i vlasti Njemačke, a u pretresu su pronađeni sofisticirana kompjuterska oprema i droga.

Dvojac uhapšen u Živinicama pao je zbog učešća u radu ilegalnog internet-servisa, koji je korišten i za ilegalnu kupovinu i prodaju droge, ali i oružja i slično. Teretili su ih i za pranje novca, kao i za falsifikovanje kreditnih kartica.

Organizovana kriminalna grupa je, prema prikupljenim dokazima, djelovala na području Njemačke, BiH, Austrije, Švajcarske i drugih područja na kojima se govori njemački jezik.

ŠTA JE ZAPLIJENJENO

